



22

VIR SVMME,

et Musarum Heros,

Nescio an seros istos, et in aetatis vespera labores
probaturus sis. Elogia sunt, et magna iam parte
scripta: è quibus unum istud, velut in specimen, mitto.
Reliqui libri mei et incubrationes in scrinii ac tenebris
jaceat, typographi defecta. Tempora igitur quando
meliora? quando Litterarum studiis pretium erit?
Sed me interim aliae quoque involunt curae, aliae
cruces, aliae tempestates, et duriorem annis siemem
objicunt. Ecce, circa liberos meos sollicitus sum, non
ut amplius, sed honeste illis sit, quemadmodum eda-
cati sunt, septem filii superstites, quinque filiae.
Post IUSTVM, etiam MAXIMILIANVS uxorem nuper
duxit ANNAM MARIAM MOCKEL, BARTHOLOMAEI
MOCKELI, filiam: illius, inquam, qui Transionen-
sibus aliquando praefuit, vir strenuus, rectus, et ma-
joribus suis dignus; solitas deinde Dresti fortunarum
scaram sedem habere. Hic nunc quoque agit cum
conuge filius meus, et in aedibus Socris, ad publicum
aliquid manus adspicit. Quid multis? Satrapa
Drestiensis MANNARTVS nuper obiit, in cujus am-
bitu MAXIMILIANVS mens locum succedere. Quia favore
apud Comitem NASSAVIAM viduam opus est, mittere
ad

Hug. 37.

55

ad te vota mea ausus sum, et facilorem mihi tua
Humanitate viam aperire. Vide quae so an amicissi-
mo hostium, ut me appellare soles, tantum tribu-
ere possis, ut eidem Excelssissimi Principis tui
Generositas concilias. Si enim intelliget vides
NASSAVIA, placere Principi, hanc ad Puteanos Sa-
trapiam venire, difficilis non erit; praesertim cum
in conditiones aequas et honestas paratis simus: Bene
etiam de Illustrissimo Comite IOANNE, gloriosae
memoriae meriti, cuius virtutem celebravimus.
Sed alius quoque petitionis admiculum est, quod
apud te non verebor commovere. AG Optimo
mitissimumque Principe PHILIPPO GUILIELMO pen-
sio mihi assignata erat annua CCC. flororum.
quam post eus mortem, redimere una aliquā pe-
cuniae summā Princeps MAURITIUS desiderabat.
Egit igitur mecum FALCKENBURGIVS: cui respondi,
nullis opis esse conditionibus; totam me pensionem
remittere; malle gratiam Principis, quam pecuniam.
Cum igitur FALCKENBURGIVS responsum non
exspectaret, quandoquidem, inquit, placuit tibi tan
generosè respondere, faxo generositatem istam Prin-
ceps aestimet. Aestimavit vero, alique torque
una cum numismate aureo me condecorare voluit.

cessavit

fl. 20

cessavit igitur haec pensio, ac hereditas hoc quidem
onere liberata est. Non iacto factum; sed aliquo nunc
tamen favore dignus videar; recipi in administrationem
muneris publici, quia pecuniam neglexi. Rogo igitur,
ut, si fieri possit, pro filio meo apud Principem agas:
à quo si vel brevis commendatio venit, petitio no-
stra felicem, ut spero, exitum sortietur. Non adhuc de-
sinio. Est in hac urbe nostra vir spectabilis, h[ic] i[n]ge[n]ius,
D. IOANNES HUGENS, tunum cognatione nomen pos-
sidens, quem vidua BIAEA patruellem agnoscit. Etiam
michi amicitia junctus est, XL. quasi aetatis annos
agens, sed sine munere, aut conditione commoda.
Quia nihil sic obtineri potuit, ad te venio, ut tuo
auxilio aliquam ei fortunam aperiam. Quemadmodum
ponus, ita modestus est; verecundus petere Beneficia,
quamvis mereatur. Felix sit, si Sacerdotium, iure
canonicatum, ut vocamus, obtineat. No[n] unum in po-
testate sua, nec uno loco, Princeps tuus habet. Sed
HUGENII nomen quomodo saltem uno dignum non sit?
A te commendari, satis erit. Non potest autem sine
conditione, sine sacro munere esse, qui tuus est:
magis futurus, si à te quoque subsidia vilae et
ornamenta accipiat. Iura HUGENIUM, qui alios solet
et in hoc viro extolle nomen tuum, quod ubique nobis
venerabi-

Le est, et aliquid Seröici tui Genii repreäsentat.
Duplices sic quidem negotium proposui: unum filii mei,
quod maxime meum est; alterum Amici, quod etiam
tuum. In meo facies, quod fieri potest; in tuo, quod
et aliis solet. Ita totum totus te complector,
omnes in te Musas, Gratas, Virtutes. Vale, et me
ama; immo HUGENIVM, qui cum tunc sit, non po-
test esse non meus: cum meus, nonne Bis tunc?
Iterum vale, saeculi decus. Lovani, in Arce,
xvi. Kal. Ianuarias, 16. 17c. XL.

Magnus affectus TVVS
E. Puteanus.

R V D O L F I
I M P E R A T O R I S
E L O G I V M.

EX E. P. B. THEATRO HEROICO

in Specimen propositum.

*Reliqui IMPERATORES, REGES, PRINCI-
PES AVSTRIACI, DVCESQVE BVR-
GVNDIÆ parati ut sequantur, veris simul
Imaginibus representandi.*



R V D O L F I
I M P E R A T O R I S
E L O G I V M.

Ex E. P. B. *Theatro Heroico.*



V S T R I A CÆ Gentis ac Magnitudinis Auctor RVDOLFVS, novum Orbi terrarum virtute suâ splendorem intulit: ne infra Imperium quidem, cùm privatus adhuc esset; supra elogium, cùm omnia regeret, & fastu tamen careret. Patre Alberto Sapiente, Comite Habsburgico; matre Hedwige, ultimâ Kiburgici sanguinis, anno 80. CC. XVIII. Kalendis Maji natus, nomen ab avo accepit, sacris assistente lustralibus Frederico II. Imperatore. Tam magnis suscepitus & elatus manibus, jam tum erigi ad magna, imò ad Imperium videbatur. Pueritiâ domi floruit: adolescens, in Frederici aulam, militiamque translatus, virilem ac Martialem induit animum, corpore planè heroico laboribus atque periculis adsuescens: foris maxime, cùm circumferentem per Italiam arma Cæsarem sequeretur. Patriæ (patre in Syria extincto) redditus, uxorem duxit Annam Hohenbergicam, virtute, quod primum est, dote deinde, ac fœcunditate insignem. Dos quidem, Alsatia, aut magna ejus pars fuit: fœcunditas, septem mox filii; quorum unus tamen instar omnium,

A 2

feli-

felici propagine stirpi & æternitati par, Albertus. Totidem filię, omnesque, unā exceptā (quę cœlibem & sacram vitam elegerat) Euphemiam, nuptiarum decore præcipuis Regum Principumque familiis insertæ. Otii interim impatiens, varieque lacesitus, privata cum vicinis, nec non propinquis bella gessit, manifesto Fortunæ, bonam usque caussam amplexantis, favore. Consiliis providus, armis promptus, facili nisu à virtute ad victoriam, à victoria ad famam veniebat. Ut Numen adesse scires, pius erat, & peculiari in Augustissimum Eucharistiæ Mysterium cultu, in posteritatem exemplo. Spectent Principes. Venatum, cælo turbato exiverat, & Sacerdoti venerabilem ferenti ad ægrum Hostiam obvius, equum quo vehebatur venerabundus dedit. Per pluviam deinde nudo sequi capite sacra pergit, Deum agnoscere, ut se hominem profiteretur. Non jam miror, vario promissum vaticinio Imperium: qui sic vehi noluit, sic evehidi dignus erat. Crevit verò à factis gloria. Si quod bellum erat, non videbatur nisi RVDOLFI ductu auspicioque confici posse. Itaque vocatus ab Othogaro, Bohemiæ Rege, equitatum in Hungaros duxit, & feliciter pugnavit. Ab Argentoratensibus, & Episcopum aliquot priùs oppidis, deinde & castris exuit. A Tigurinis, & Vdalricum Regensbergium, regio tumentem fastu, debellavit. Suo dein Marte Basileenses, Stellæ & Psittaci nominibus in factiones divisos, aggressus, hostem subito, & infestum sibi Antistitem S. Galli habuit: quem cum vincere posset, pacare maluit; prudenter professus, *Quando cum duolus dissidium est, cum alterutro paciscendum.* An Arbitrum litis, sequestrumque pacis quæreret? Esse ipse voluit. Castris igitur, propè Vilam oppidum cum paucis egressus, ad Antistitem ivit, & *Adsum*, inquit,

non

non jam hostis, si te Amicum facio, omnem inter nos controversiam non
armis, sed verbis decisurus. Quā veni fide, aut agam ipse Iudicem, aut
te feram. Neque longa disceptatio fuit: pax inita, & co-
piæ hostiles, auxiliares factæ: quibus auctus jam RVDOL-
FVS, Basileam, Stelligerorum, sive Nobilium, adversùs
Plebeios, atque Episcopum caussam amplexus, petit, &
agro priùs subacto, obsidet. Quo tempore Francofurti
de novo tandem creando Imperatore cœptum agi. Re-
ges competitores erant, Alphonsus Castellæ, Richardus
Angliæ, Othogarus Bohemiæ. Sed his repudiatis, septem-
virali Principum consensu RVDOLFVS electus est, anno
supra millesimum ducentesimum septuagesimo tertio:
in quo numero aliquid quodammodo fatale fuisse, si-
militudo docuit: idem enim incipientis Imperii, & de-
finentis postea vitæ fuit. Tali omnino viro opus erat, ut
Imperium, quod annis jam viginti duobus, tamquam
cadaver jacuerat, surgeret; factionibus scissum, cùm aliena
quisque invaderet; vulneribus saucium, cùm sua singuli
malè regerent; in Italia autem hinc Guelfi, indè Gib-
bellini incredibili rabie grassarentur. RVDOLFVS igitur
inchoatum cum Basileensibus abrumpens bellum, toto
in pompam stipatus exercitu, Francofurtum, & hinc
Aqua-Grani Coronæ caussâ profectus est; ut more insti-
tutoque Imperii inauguretur. Mirum dictu! Ipsi solen-
nibus, cùm ad manum, nescio quā culpâ, sceptrum
non esset, & aliqui etiam Principum, natâ quasi occa-
sione, tergiversarentur, Crucem ex ara arripiens, *Quod felix,*
inquit, faustumq; sit, hoc ego signum, quo redemptum est genus humanum,
sceptri vice sumo, eo in hostes Imperii ac perduelles usurus. Dixit, & sic
etiam postea pugnavit, piis solitus votis promissisque vi-
etoriam à Deo quodammodo pacisci. Tam generosâ

A 3

verò

verò omnes pietate moti, & salutis insigne venerati, sacramentum dicunt, auxiliaque in publicas belli pacisque necessitates addicunt. Novus Imperator, ut affinitibus quoque fulciretur, Machtildem filiam Ludovico Palatino, Agnetem Alberto Saxoni, Hedwigem Othoni Brandenburgico nuptum tradit. Quem timeret, trium jam Principum Electorum sacer? Regum futurus? Tam validis igitur in præsenti succinctus subsidiis, & majores à se animos sumens, Imperii sanare vulnera aggressus est, adeò tum inveterata; ut ferro opus esset, nec uno bello. Insurgunt, facto fœdere, quindecim Sueviæ Comites, magnaque Nobilium pars: alii avaritiâ, ne per vim & injuriam occupata, jure redderent; alii invidiâ, quia quem parem viderant, superiorem non ferebant. Sed minor Cæsare totus hic tumultus: levi omnes bello dejecti. Ferocior Othogarus, & quasi ludibrio concitatus, dum ad genua Imperatoris, obsequium delaturus, accedens, laxato repente tentorio, omnium simul oculis subjicetur. Acriores etiam ab uxore Cunegunde, cuius ambitioni obnoxius erat, stimuli, hanc ei publici conspectus contumeliam assidue exprobrante. A fide igitur & officio resiliens, Austriam, Stiriam, Carinthiam, provincias semel abdicatas, armis repetebat: sed quid? ut injustus, ita Infelix. Cruento enim prælio victus, fugatus, occisus est. Sæva victoria, lenem tamen victorem fecit: qui recepto in gratiam, imò in affinitatem Wenceslao, Othogari filio, gnatam suam Gutam; ac vicissim gnatum RVDOLFVM Agneti, sorori Wenceslai, despondit, sceptri futurum heredem, si mascula sine prole Rex novus decederet. Quàm lœtæ & liberales posteà nuptiæ fuerint, pompa ostendit: centum quotidie millia hominum

epu-

epulo interfueré. Austria tum quoque Imperii Comitiis Alberto RVDOLFI filio, ac posteritati cessit: undè titulus familiæ, magnis undique, & fatalibus Fortunæ incrementis. Rex amotus erat, & Imperatoris nomine Pseudo-Fredericus repente prodiit, magnam Inferioris Germaniæ partem ad se trahens: tantâ quidem Imperii fiduciâ, ut & Comitia indicere, & evocare RVDOLFVM ausus sit, obsequia ab eodem exacturus. Ergò & arma sumpta, ut audax impostor coërceretur. Captus, scelestisque convictus, igni pœnas dedit. Prædones præterea publici oppugnati, octoginta eorum arces captæ; quasi sic tandem Germania respiraret. Motuum adhuc reliquæ, Antistes S. Galli, ac deinde Burgundi. Illum, sæpiùs molestum, RVDOLFVS ludens magis quam pugnans compescuit, & tamquam bellaria quædam belli objecta essent: in hosce viribus quoque Galliæ subnixos, majori mole ivit. Montembelgardum igitur, totamque circâ regionem occupans, obsidere & Vesontionem cœpit: monitusque, in paucos dumtaxat dies commeatum castris suffectorum, *Vrbem*, inquit, *expugnate; hinc capiemus.* Suo interim exemplo milites ad inediā tolerandam provocans, erutam ex agro rapam in panem sibi obsoniumque sumpfit, spectante exercitu, & tamquam novus Curius pranderet. Partam frugalitate victoriam dixeris: pacem hostes ultrò petiere. Plura (& longum sit recensere) confecit bella; sed unâ eademque semper fortunâ, quia felix; unâ eademque gloriâ, quia clemens, Victoriosi cognomen, signis deciesquater collatis, adeptus. Quot nimirum liberi, tot triumphi erant. Cùm satis sic quidem in Germania negotii esset, ab Italia abstinuit, tutissimum ratus, res Imperii, ubi infeliciter aliis cœle-

cesserant, per Legatos administrare. Secundas etiam nuptias cum Agneta Burgunda, præstantis formæ virgine contraxit, sive novæ spe prolis, sive ut viduam, & sic tristem senectam recrearet. Plenus tandem annis, lassusque curis, in Albertum Filium transferre onus AVGVSTALE studuit. Francofurtum conveniunt Princes; properat ipse; sed aliò, ducente Deo, iturus. In itinere febri correptus, cùm extrema præ sagiret, Spiram, & ad Cæsares inibi sepultos, deferri voluit; ad Comitia, non Imperii, sed fati. An delatus? Gemersheimi (in quo tunc oppido tota gemere Germania potuit) vi morbi oppressus, intra paucos dies obiit: Spiræ tamen, & ex destinatione sepultus, anno 88. c.c. xcI. cùm vixisset septuaginta tres, imperasset octodecim; quemadmodùm decimo octavo sæculi natus erat: miro iterùm consensu numeri, tempore Imperium, tempus Imperio designantis. Princeps inter Heroës magis quàm homines collocandus, inter Divos quàm Cæsares. Augustus virtute, & tamquàm à se summus esset. Alios enim Imperium, quod erat, Imperatores fecit: RVDOLFVS, quod perierat, fecit Imperium, & sibi quodammodo vindicavit. Augustus etiam stirpe, in qua tredecim hactenus numerantur Cæsares, Boni, Pii, AVSTRIACI: quibus nominibus titulisque felicitas Imperii, salus hominum, securitas temporum continetur.

